

**Ministarstvo za rad, socijalnu politiku,
raseljena lica i izbjeglice Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 38. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18 i 52/21), ministrica za rad, socijalnu politiku, raseljena lica i izbjeglice Kantona Sarajevo donosi

**PRAVILNIK
O IZMJENAMA PRAVILNIKA O UTVRĐIVANJU
PREOSTALE SPOSOBNOSTI I RAZVRSTAVANJU
DJECE I OMLADINE OMETENE U PSIHO-FIZIČKOM
RAZVOJU**

Član 1.
(Izmjena člana 4.)

U Pravilniku o utvrđivanju preostale sposobnosti i razvrstavanju djece i omladine ometene u psiho-fizičkom razvoju ("Službene novine Kantona Sarajevo", br. 26/08, 5/12, 4/15 i 4/18) član 4. mijenja se i glasi:

"Član 4.

Poslove stručne komisije za utvrđivanje preostalih sposobnosti i razvrstavanje djece i omladine ometene u psiho-fizičkom razvoju u prvom stepenu obavlja komisija koju obrazuje Javna ustanova "Kantonalni centar za socijalni rad", a u drugom stepenu poslove komisije obavlja Odjeljenje za drugostepeni postupak medicinskog vještačenja zdravstvenog stanja Instituta za medicinsko vještačenje zdravstvenog stanja."

Član 2.
(Izmjena člana 6.)

Član 6. mijenja se i glasi:

"Član 6.

Sastav stručne komisije za utvrđivanje preostalih sposobnosti i razvrstavanje djece i omladine ometene u psiho-fizičkom razvoju u drugom stepenu utvrđuje se u skladu sa važećim propisima koji uređuju osnivanje i rad Instituta za medicinsko vještačenje zdravstvenog stanja i Odjeljenja za drugostepeni postupak medicinskog vještačenja zdravstvenog stanja."

Član 3.
(Prelazna odredba)

Postupci pokrenuti prije stupanja na snagu ovog pravilnika koji nisu okončani, okončaću se u skladu sa ovim pravilnikom.

Član 4.
(Prečišćeni tekst)

Ovlašćuje se Ministarstvo za rad, socijalnu politiku, raseljena lica i izbjeglice Kantona Sarajevo da utvrdi prečišćeni tekst Pravilnika o utvrđivanju preostale sposobnosti i razvrstavanju djece i omladine ometene u psiho-fizičkom razvoju.

Član 5.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-02-28801/22
31. augusta 2022. godine
Sarajevo

Ministrica
Ivana Prvulović, s. r.

Ministarstvo saobraćaja Kantona Sarajevo

Na osnovu člana 7. Uredbe o subvencioniranju troškova prevoza u javnom gradskom saobraćaju na području Kantona Sarajevo ("Službene novine Kantona Sarajevo", br. 36/06 i 08/17), a u vezi sa Odlukom Vlade Kantona Sarajevo broj 02-04-31390-11/22 od 18.08.2022. godine, ministar saobraćaja Kantona Sarajevo donosi

**UPUTSTVO
O IZMJENAMA UPUTSTVA O PRIMJENI UREDBE O
SUBVENCIONIRANJU TROŠKOVA PREVOZA U
JAVNOM GRADSKOM SAOBRAĆAJU NA PODRUČJU
KANTONA SARAJEVO**

I
(Izmjena tačke II)

U Uputstvu o primjeni Uredbe o subvencioniranju troškova prevoza u javnom gradskom saobraćaju na području Kantona Sarajevo, br. 04-14-1148/14 od 31.07.2014. godine, 04-14-27121/18 od 09.07.2018. godine, 04-14-7912/19 od 23.05.2019. godine, 04-14-19190/19 od 03.01.2020. godine i 04-04-22409/22 od 09.06.2022. godine (u daljem tekstu: Uputstvo), tačka II mijenja se i glasi:

"II

Cijena karte javnog prevoza putnika za kategorije penzionera i slijepih lica se utvrđuje u iznosu od 33,00 KM mjesečno."

II
(Izmjena tačke III)

Tačka III mijenja se i glasi:

"III

Lica iz tačke I stav 1. alineja 1 i 2 ovog Uputstva imaju pravo na subvencioniranje troškova prevoza uz lično učešće kako slijedi:

- za lica sa visinom penzije od **0 - 425,00 KM** subvencija iznosi **33,00 KM**,
- za lica sa visinom penzije od **425,01 do 470,00 KM** subvencija iznosi **29,00 KM**, a lično učešće **4,00 KM** mjesečno,
- za lica sa visinom penzije od **470,01 do 520,00 KM** subvencija iznosi **27,00 KM**, a lično učešće **6,00 KM** mjesečno,
- za lica sa visinom penzije od **520,01 do 570,00 KM** subvencija iznosi **26,00 KM**, a lično učešće **7,00 KM** mjesečno,
- za lica sa visinom penzije od **570,01 do 650,00 KM** subvencija iznosi **25,00 KM**, a lično učešće **8 KM** mjesečno,
- za lica sa visinom penzije od **650,01 do 700,00 KM** subvencija iznosi **24,00 KM**, a lično učešće **9,00,00 KM** mjesečno,
- za lica sa visinom penzije od **700,01 do 1.000,00 KM** subvencija iznosi **23,00 KM**, a lično učešće **10,00 KM** mjesečno
- za lica sa visinom penzije **iznad 1.000,00 KM bez subvencioniranja Kantona**, uz lično učešće od **33,00 KM** mjesečno.

Za lica iz tačke I stav 1. alineja 3. ovog Uputstva subvencija iznosi **33,00 KM.**"